

Broj: 03-04-1825-1/2025
Sarajevo, 19.11.2025. godine

PARLAMENT FEDERACIJE BOSNE I HERCEGOVINE

Predstavnički dom

gosp. Admir Čavalić, poslanik
gosp. Ivan Miličević, sekretar ✓

Predmet: Odgovor na inicijativu

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		20-11-2025	
Org. jed.	Broj	Priloga	Vrijednost
05/1	- 02 -	622	/25

Poštovani,

U prilogu Vam dostavljam akt Federalnog ministarstva okoliša i turizma, broj: 07-19-826/25 od 17.11.2025. godine, koji sadrži odgovor na inicijativu, koju je podnio poslanik Admir Čavalić.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Broj: 07-19-826/25
Datum: 17.11.2025.godine

Bosna i Hercegovina
Vlada Federacije Bosne i Hercegovine
Sekretar Vlade Edita Kalajdžić
Hamdije Čemerlića 2.
Sarajevo

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

9934

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO		19.11.2025	
Organizaciona jedinica	Klasifikacija	Redni broj	Broj prijave
03-04-1825-1/2025			

Predmet: Zastupnička inicijativa; - dostavlja se;

U vezi s predmetom broj: 03-04-1825-1/2025 od 03.11.2025. godine, kojim je Federalno ministarstvo okoliša i turizma zaprimilo zastupničku inicijativu poslanika u Predstavničkom domu Parlamenta Federacije BiH, g. Admira Čavića, a koja se odnosi na izmjenu Pravilnika o upravljanju otpadnim gumama („Službene novine Federacije BiH“, broj 94/21) s ciljem zabrane korištenja otpadnih guma kao goriva u industrijskim postrojenjima, posebno u naseljenim područjima, te razvoja sistema zbrinjavanja otpadnih guma u skladu s EU praksama 4R (Reduce, Reuse, Recover, Recycle), obavještavamo Vas sljedeće:

Pravilnik o upravljanju otpadnim gumama donesen je radi uspostavljanja sistema prikupljanja, skladištenja, transporta i zbrinjavanja otpadnih guma, s ciljem zaštite okoliša, smanjenja negativnog utjecaja na ljudsko zdravlje te poticanja reciklaže i ponovne upotrebe. Naglašavamo da Pravilnik ne reguliše spaljivanje otpadnih guma niti njihovu upotrebu za proizvodnju RDF-a (Refuse-Derived Fuel) i ne može se tumačiti kao pravni osnov za takve aktivnosti. Korištenje otpadnih guma u cementarama i drugim industrijskim postrojenjima dopušteno je isključivo uz važeće okolinske dozvole, koje propisuju tehničke i okolišne uvjete, granične vrijednosti emisija, mjere monitoringa, način izvještavanja i obavezu nadzora nad radom postrojenja, uključujući postrojenja u blizini naseljenih područja.

Rješenjima o okolinskim dozvolama propisane su granične vrijednosti emisija, učestalost mjerenja, praćenje kvaliteta zraka, te način i dinamika dostavljanja izvještaja nadležnim institucijama. Nadležni organi vrše redovan nadzor, a u slučaju prekoračenja dozvoljenih vrijednosti preduzimaju odgovarajuće korektivne i upravne mjere.

Član 7. Pravilnika navodi vrste postupaka uporabe otpadnih guma, uključujući energetska iskorištavanje (R1), u skladu s Pravilnikom o izdavanju dozvola za aktivnosti male privrede („Službene novine FBiH“, broj 58/24). Ovaj član klasifikuje postupke unutar uporabe otpada, ali ne daje pravni osnov za njihovo provođenje. Svaki postupak R1 može se provoditi isključivo u postrojenjima koja posjeduju važeću okolinsku dozvolu, kojom se utvrđuju tehnički, tehnološki i okolišni uvjeti, granične vrijednosti emisija i mjere monitoringa.

Član 8. Pravilnika propisuje da se otpadne gume „mogu koristiti kao gorivo u postupcima energetskog iskorištavanja“, ali navedena odredba:

- ne sadrži tehničke ni ekološke uvjete za spaljivanje,
- ne propisuje vrste postrojenja u kojima se takva aktivnost može obavljati,
- ne utvrđuje granične vrijednosti emisija niti način nadzora.

Shodno tome, ova odredba ne može se tumačiti kao dozvola za spaljivanje otpadnih guma, već se takve aktivnosti mogu provoditi isključivo na osnovu važeće okolinske dozvole i u skladu s propisima o zaštiti okoliša.

Prema Prilogu I *Pravilnika o izdavanju dozvola za aktivnosti male privrede:*

- R1 – korištenje otpada kao goriva ili drugog sredstva za proizvodnju energije (ne izravno spaljivanje),
- R3 – recikliranje/obnavljanje otpadnih organskih tvari koje se ne koriste kao gorivo.

Da bi se ovi postupci mogli provoditi, postrojenje mora:

- posjedovati važeću okolinsku dozvolu,
- ispunjavati zahtjeve energetske efikasnosti i tehničke opremljenosti,
- biti u potpunosti usklađeno s graničnim vrijednostima emisija prema Direktivi o industrijskim emisijama 2010/75/EU.

Razvoj sistema zbrinjavanja guma u skladu s EU praksama 4R (Reduce, Reuse, Recover, Recycle) već je integriran u okvir upravljanja otpadom u Federaciji BiH:

- Reduce – smanjenje nastanka otpada kroz efikasnije proizvodne i komercijalne procese,
- Reuse – produženje životnog vijeka proizvoda, uključujući otpadne gume, kroz tehničku obradu i obnovu,
- Recover – uporaba otpada u svrhu proizvodnje energije ili sekundarnih materijala, isključivo uz okolinsku dozvolu,
- Recycle – reciklaža i prerada otpadnih guma u granulat, gumene proizvode i druge materijale.

Na osnovu svega navedenog, smatramo da postojeći normativni okvir već osigurava ekološki prihvatljiv tretman otpadnih guma i omogućava primjenu EU prakse 4R, te da trenutno ne postoji potreba za izmjenama Pravilnika o upravljanju otpadnim gumama u dijelu koji se odnosi na zabranu korištenja otpadnih guma kao goriva.

S poštovanjem

Dostaviti:

- Imenovanom
- Dokumentacija

